

Un coro nacional di alumnonan di school ta necesario pa e aubade riba Dia Nacional

ORANJESTAD - Preparacion pa forma un coro nacional di alumnonan di scol ta ser haci relaciona cu e aubade riba dia nacional di Nos Himno y Bandera.

Comision Celebracion Dianan Nacional (CCDN) ta preparando pa celebracion di Dia di Himno y Bandera y clausura di 25 Aña Status Aparte den luna di maart venidero.

E acto protocolar lo tuma lugar riba 18 di maart venidero dilanti di Bestuurskantoor y lo

bay tin un aubade den oranan di mainta.

Pa e coro nacional pa e aubade comision CCDN ta desea di logra haya un cantidad grandi di muchanan di scol (alrededor di 350 mucha) pa ta presente pa canta e canticanan di aubade. (E Himno nacional y ademas 4 cantica mas), pa asina nos por forma un coro nacional di alumnonan di scol.

E orkesta lo ta bou di direccion di Sr. Johnny Croes cu ta bay acompaña e coro di

muchanan di scol. E coro nacional lo ta bou di direccion di Sra. Maybelline Arends-Croes. Cada participante di e coro lo ricibi un T-shirt pa bisti ora di Aubade.

Comision CCDN ta pidi cooperacion di scolnan pa prepara 15 pa 20 mucha pa nos por logra e cantidad ariba mencionada. E scolnan, maestronan y mayornan cu ta desea pa nan alumno- y yiunan participa por tuma contacto cu Sra. Maybelline Arends - Croes na tel.: 582-1334 of via su e-mail



maybearends@gmail.com
Comision Celebracion Dianan Nacional ta spera di haya participacion grandi di tanto mu-

cha-, maestro- como scolnan di diferente bario den realizacion di e coro nacional pa e aubade di e aña aki. □